

آبونه شماره ۱۳۰

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور .

[نسخه یی ۵ غروش ،
سنه لکی ۵۲ نسخه در .]

داره خانه

باب عالی جاده سنده دائره مخصوصه

امطارات

آبونه بدلی پشیندر

مسلكه موافق آثار مع الممنونیه
قبول اولتور . درج ایدله یین
یازیلر اعاده اولونماز .

کتابخانه

۱۳۳۴

دینی ، فلسفی ، علمی ، ادبی هفته لق مجموعه اسلامیه در

صاحب و مذیر مسئول
اشرف ادیب

باش محرر
محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

عدد : ۳۶۱

۲۵ رمضان ۱۳۳۶

پنجشنبه

۴ تموز ۱۳۳۴

جلد ۱۴

امطارات

آدرس تبدیلنده آیریجه بش
غروش کوندر لیدر .

مکتوبلرک ، امضالری واضح
واوقوناقلی اولسی و آبونه صره
نومسور سنی محتوی بولمسی لازمدر

ممالك اجنبیه ایچون آبونه
اولانلرک آدرس لری نك فرانسه
جده یازلمسی رجا اولتور .

پاره کوندردلیکی زمان نهیه
دائر اولدیغنك واضحاً بیلدیرلمسی
رجا اولتور .

کریمه سی شریعت قرآنیہ نظرندہ مسلمانلرک اولی الامرہ اطاعتلرینک مفروضیتی بونلرک کندی ملتیرینه منسوب بولملرله مقید بولندیغنی کوسترمکده اولمسی اعتباریلہ برنجی قسمہ داخلدر . « ولن یجعل الله للکافرین علی المؤمنین سبیلاً » آیتی ایسه دلائل صریحہ جملہ سنددر . ایکنجی آیتک مقتضای سیاقی ، روح مفادی کوسترییورک جناب حق هیچ بروقت مؤمنلری کافرلرک حکم واراده لرینه ، نفوذ وسطوتلرینه سرفرو ایتکه مجبور ایدہ جک برقیده احکام شرعیہ لاهوتیه میانندہ بر موقع ویروبده عزووقار اسلامی شائبہ دار ایتہ مشدر . بالعکس مسلمانلر آنلرک نفوذ وسلطنتہ رام اولوق ذلت ومسکنتنی قبول ایتدکاری تقدیرده کفارک نفوذ وتحکمہ کندی اراده واختیارلریلہ یول آچش اولورلر . برکرده سوبہ فطریہ لری بودرک یه تنزل ایدنجه ، آرتق اللهک اراده ومشیته مخالف ، احکامنی تعطیل ایدنلر میانندہ داخل اوله رق انتقام الهینک کندیارینی کفارک پای قهر وسطوتی آلتندہ ازیلکه محکوم ایتک صورتندہ تجلیسنه کسب استحقاق ایدرلر . قدرت تسلطی معنوی برمنبعدن آلمش اولان کفار ایسه جمعیت اسلامیہ نک ارباب عز وجاهنی اذلال ، حریم ناموس وعفتلرینی پامال ایتک ، میراث آبا واجدادلری اولان شرف ملیرینی الارندن آلق ، بنیان مآثر ومفاخرلرینی سرنکون ، نشانه موجودیتلری اولان اخلاق وعادات ، دین ولعائتلرینی محو ایلک خصوصندہ هیچ بر مشکلات ومقاومته نصادق ایتزلر .

اوت ، نفسلرینه ظلم ایدن ، قرآنلرینک احکام مبعجله سنه مخالفنی اعتیاد ایدن برقوم حقندہ قانون عدالت الہیہ نک تعین ایتدیکی حکم لایتغیر بومرکزده در . « هل یهلك الا القوم الظالمون » ، « كذلك اخذ ربك اذا اخذ القرى وهى ظالمة ان اخذه الم شديد » ، « كذلك نولى بعض الظالمين بعضاً بما كانوا يكسبون » .

اصلاً جای تردد واختلاف دکدرکه مسلمانلرک بوکون دوچار اولدقلری بلا ومحتک منشأ حقیقیسی بویله مقدس برحکمک مضموننه ترک امتثال ایله ام اسلامیہ نک غیری برطاقم اقوامک آغوش حایه وصیانتلرینه آتیلمه لرندن عبارتدر . بو حالت مشومہ نک یکانه سائق ده طور وحرکتلرینک انتاج ایدہ جکی عاقبت وخیمه یی تقدیردن عاجز بولمه لرندن ، قرآنک احکام عالیہ سندہ مندمج اسرار بلیغیه انفاذ نظر ایدمه ملرندن عبارتدر . یازیق که مسلمانلر ایچنده اویوشوب قالدقلری سکون غفلت ایچندن برلرزش انتباه ایله سیلکینوب قالقه جقلری ، کتاب مقدسلرینک کندی ایچون وضع ایتمش اولدینی سیاست ملیہ دستورلرینه دوت ال ایله صاریلوبده بیونلرینی ام غیر مسلمہ نک ربه اسارتندن قورتارده رق فرمان لایزالدن بشقه هیچ بر حکم وقوته سرفرو ایتیه جکلری ، وجدانلرینی تعالیم قرآنیہ دن بشقه هیچ بر شیئک تأثیریلہ مقید کورمیه جکلری کون کلنجه یه قدر

بوتون هیاکل خلقتله حسب حال ایتدم ، لیلاله دردیمی دوکدم ، جبالی سوبلندم !
یانوب طوتوشمان آیلرجه یومادم کوزیمی . .
نجومه سورکه بوکیریکلر اویقو کورمشمی ؟
عذاب هجریکه قاتلاندیم الی اوج سنه در . .
صوکنده آلمه چاربان بو ظالم اورتونه در !
بش آلتی سینیه یی هجران ایچنده ایکله ده رک
چیقان یورکلره خسرا نمی ، مرحتمی کرک ؟
دمیر نقابنی قالدیر مزار پا ککدن ؟
بوخته روحی آرتیق آیرمه خا ککدن !
نهر اوز مشعله ؟ نورکمی ؟ ... یارسول الله ! ...
.....
سکون ایچنده بر آن کجیدی ، صوکره برقیصه « آم ! »
طوبولدی ، باقدم اوزانمش زمینه سودانی .
باشنده ، آغلا یه رق برزو الی سیلانی
اوبوب اوبوب قاپایور اللریله کوزلرینی .

بیتینجه خارجه نقلیه غسلی ، تکفینی ،
« بقیع » ه [۱] کیتدی شهبذک وجود فانیدی ؟
« حرم » ده قالدی ، فقط ، روح جاودانیدی .
[۱] مدینه مزارلنک اسمی .

محمد عاکف

تفسیر قرآن کریم

مقدمه

قرآن کریمدن فرض فطری

قرآنک وضع ایتمش اولدینی اصول سیاستک الک کزیده لرندن بریده طوائف اسلامیہ دن برینک شئون اجتماعیه لرینی اداره وتنظیم ایدہ بیلیمک اقتدار وصلاحیتی بر غیر مسلمدن دریغ ایتسیدر . غریبدرکه اسرار قرآنی بیان وادیسندہ خامه ران اولانلردن برچوغی بو حقیقت قرآنییه انفاذ نظره مقتدر اوله مامشدرلر .

سیاست اسلامیہ اساساتنه تعلق ایدن بونقطه مهمه یی قرآن هم استدلال طریقله ، همده صراحة نظر امان اوکنده تجلی ایتدیرمکده در :
« یا ایها الذین امنوا اطیعوا الله واطیعوا الرسول واولی الامر منکم ، آیت



والله بری بری قویار بلایقی، اعتباردن اسقاط ایدیه جکدر. هر هانگی
بری قویار بلایقی، اعتباردن اسقاط ایدیه جکدر. هر هانگی
یاییشه جکدر. بونلرک ال اول قویار بلایوب اسقاط ایدیه جک اولانی
حکم وقضایه ال کتبی کتبیسی ده نمازدر.

حدیث شریفک راویسی ابوامامه رضی الله عنه، مخرجاری امام
احمد بن حنبل، ابن حبان و حاکم در. امام احمدک سلسله روایتیه
داخل اولان رجال، صحیح رجالیدر.

بوحديث شریف آیات بینات رسالتدن عد ایدیه جک برخبر
صادقدر. رسول اکرم صلی الله علیه وسلم اقدمن حضرتلری، بونکله
اهل اسلامک دینلرینه ادخال ایتدکاری و ایدیه جککاری فسادلرک مبدأ
ومنتهاسنی ظهورلرندن اول بزه بیلدیرمش اولیورلر.

عالم اسلامده ایلاک فساد شبهه یوقدرکه ولایه وقضاتک طرفکیرلک
ایتمه سیله ظهور ایتشددر. اوللری قاضیلر امرا و خلفایه قارشى ضعفا
وفقرا لهنه بی محابا حکم اصدارنده ترددی خاطره کتیرمن کن کیت
کیدنه ضعفانک اقویادن استیفای حق ایتمه لری مشکل، حتی متعذر
اولغه باشلامشدر. مسلمینک بودرکه مذلتیه قدر انحطاطنه باعث
عواملک ال مهمی اولان انهدام رکن عدالت دیگر مفاسدک کافه سنی
جلب ایتمش، علمانک امرایه قارشى دینى قیصالتمش، حق وحقیقت
قولایجه سویلنمز اولمش، اخلاق فاضله قنور وضعفه اوغرامش، ال
مهم فرائضه وارنجیه قدر هپ کوشه اهل ونسیانه آتلمشدر.

نخبر صادق صلی الله علیه وسلم حضرتلری منهدم اولاجق شعائر
اسلامیه نک صوکنجیسی نماز اولاجقنی بزه بیلدیر یور. بورکن اسلامیه ده
منهدم اولدیجی آرتق احکام اسلامیه دایریرنده قائم هیج برشی قلاماش
اولاجق دیمکدر. مسلمانلر هر شیشی براقیرلر. فقط نمازی - مسلمان
قالغه عزملری باقی قالدقجه - ترک ایتکی تجویز ایدیه منزلر. زیر نماز
دینک دیره کیدر (الصلاة عماد الدين فمن هدمها فقد هدم الدين = نماز
دینک دیره کیدر. آنی بیقان دینی ده ییقمش اولور.) احکام دیاقی نماز
کلفتندن آزاده اولارق تلقن ایتک ایستین اعرابی یه رسول حکیم
صلی الله علیه وسلم اقدمن: «نمازسز دینده خیر یوقدر» جوابی
ویردیلر.

ایمانک ال صوکنک التجاکاهی، قلعه سی ده؛ اهل اسلامک ال صوکنک
تمسک ایدیه جککاری اولان بوعروة الوثقای نجات ده بزه - اشک تأسف
دو کدرک اعتراف ایدیه - آرتق قویق اوزره در. نعمت دین و ایماندن
بی بهره اولان کروه لایفک حونی براقلم. خالق عظیم الشانه اعتقادی،
رسول پاک ایمانی هنوز باقی اولان، یا خود باقی ظن ایدن زمانه مسلمانلرینه باقلم.
بونلرک حال وشانی تدقیق ایدرسه ک حقیقی اسلام ایلر آلا رنده سانکه مشارکت
اسم وعنواندن باشقه بر مناسبت قلاماش کی کورور. آغز لرده بر مسلمان،
سوزیدر دونیور. فقط (نه اوامر، نه نواهی، نه نماز ونه نیاز ...)

کندیلرینی هر جبارک باز یجه سطوقی، هر متحکمک محکوم عزیم واراداتی
کوره جکارددر.

قرآن، وهم و خیالک، آمال فاسده نک غلبه چاللق استبعاد دینی
کوستردیکی نیجه نقطه لرده امدادیمزه یتیشه رک حقیقی مقصدینی،
آیاتنک نه صورتیه تأویل و تفسیر ایدلمسی ایجاب ایدیه جکفی بیان
و تصریح ایتشددر. «ان الله يدافع عن الذين آمنوا»، «ان تنصروا الله
ينصرکم ويثبت اقدامکم»، بوجه دندر. قرآنک سرانرینه، اسلوب
بدیعی آتنده انطوا ایدن مقاصد بلیغیه انفاذ نظر ایدیه مینلر یالکمز
کله توحیدی دلیل ایلر سویلک، حق یولنده مقاتله ایتک نصرت
التمیه نک کندیلرینی توجه ایتسی ایچون برر سبب کافی تشکیل ایدر
ظن ایدیورلر و ادای صلاته، حدود التهنیه نک اقامه سینه یناشامق،
مناسبات متقابله لرنده امر بالمعروف ونهی عن المنکر شریطه سینه
رعایت ایتامک کی حالاتک بونصرت موعوده بی منع وتأخیر خصوصنده
بردخل وتأثیری اولدینی قناعتی کوستر میورلر. ایشته قرآن، بر
چوق یرده اللهک یاردیمه کسب استحقاق ایتش اولان مؤمنلرک
هانکی مؤمنلر، نصرت باهره سبحانییه مظهریتلری ضمان الهی ایلر
مؤید اولان کیملر اولدینگی صریح و واضح بر صورتیه بیان ایدیه رک
بوکی تلقیلرک واهی و بی اساس اولدینگی میدانیه قویمده در. «ولینصرن
الله من ينصره ان الله لقوى عزيز الذين ان مكناهم في الارض اقاموا
الصلاة وآتوا الزكاة وامرو بالمعروف ونهوا عن المنکر»، «والذين جاهدوا
فينا لنهدنهم سبيلنا وان الله لمع المحسنين» بو ایکی آیت و امثالی واضح
بر صورتیه کوستر میورکه اللهک نصرتی تعیین ایتدیکی حدود شرعییه
تجاوز ایتمین؛ فرائض و تکالیفی اقامه و بحق مجاهده مسلکنده دوام
ایتمکله برابر افعال و حرکاتی ریا، ایشار نفس، خدعه و مکابره،
احکام دینی تعطیل شایه لرندن تزیهی غایه یکانه اتخاذ ایدنلر انحصار
ایتمکده در. ساحه مجاهده پابرجای ثابت اولاجق اولانلرده بوقیل
کیمسه لوردر. وان الله لمع المحسنين.

مترجمی: محمد شوکت عبدالعزیز چاوش

حدیث شریف

لتنقضن عری الاسلام عروة عروة فنكما انتقضت
عروة تشبث الناس بالتي تليها فاولهن نقضاً الحكم
و آخرهن الصلاة.

مال شریفی

اسلامک طوتونا جق قولیلری، تمسک ایدیه جک احکامی البته